

UGOVOR

UGOVOR O PRUŽANJU USLUGA DEZINFEKCIJE, DEZINSEKCIJE I DERATIZACIJE

Zaključen u Sarajevu, dana 06.04.2020. godine između:

„Direkcija za robne rezerve Kantona Sarajevo“, ulica Alipašina b.b. Sarajevo, ID broj 4200173840008, koju zastupa direktorica Jelena Pekić mag.oec. (u daljem tekstu: Naručilac) i

„Kristal“ d.o.o Sarajevo, ulica Džemala Bijedića 135, Sarajevo, ID broj: 4200033750009, koga zastupa direktor Vedad Teskeredžić (u daljem tekstu: Izvršilac)

I PREDMET UGOVORA

Član 1.

Predmet ovog Ugovora je pružanje usluga dezinfekcije, dezinsekcije i deratizacije u poslovnim prostorijama Direkcije za robne rezerve Kantona Sarajevo.

II OBIM, DINAMIKA I CIJENA VRŠENJA USLUGA

Član 2.

Izvršilac se obavezuje da će, u okviru redovnog higijensko-sanitarnog održavanja, usluge iz člana 1. ovog Ugovora obavljati prema slijedećoj dinamici:

<i>Vrsta rada</i>	<i>Jedinica mjere</i>	<i>Učestalost radova u toku godine</i>	<i>Cijena za jedan rad– paušal KM*</i>
<i>Dezinfekcija</i>	paušal	6 (svakih 60 dana)	50,00 KM
<i>Dezinsekcija</i>	paušal	4 (svakih 90 dana)	70,00 KM
<i>Deratizacija</i>	paušal	2 (svakih 180 dana)	60,00 KM
<i>Dezinfekcija vozila</i>	paušal	6 (svakih 60 dana)	5,00 KM

*u cijenu nije uračunat PDV

Izvršilac se također obavezuje da će obavljati i sve vanredne DDD usluge po zahtjevu Naručioca i po indikacijama koje se pokažu kao potrebne.

O Cijenama i dinamici vanrednih DDD usluga Naručilac i Izvršilac izvršit će posebno dogovaranje, neposredno prije izvršenja tražene usluge.

Član 3.

Izvršilac će sa obavljanjem usluga iz člana 1. ovog Ugovora započeti odmah po potpisivanju Ugovora, a prema Operativnom planu pružanja DDD usluga, koji čini sastavni dio ovog Ugovora.

UGOVOR

III OBAVEZE UGOVORENIH STRANA

Član 4.

Naručilac Usluga se obavezuje da:

- Izvršiocu obezbjediti nesmetan pristup i druge potrebne uslove u prostorima gdje će se vršiti Usluge utvrđene ovim Ugovorom;
- obezbjediti kvalitetan nadzor u toku vršenja Usluga;
- izvršiti plaćanje izvršenih usluga po cijenama iz člana 2. ovog Ugovora najkasnije 15 (petnaest) dana po prijemu faktura sa priloženim radnim nalogom o izvršenim uslugama.

Član 5.

Izvršilac usluga se obavezuje da će:

- Vršiti usluge iz člana 2. ovog Ugovora stručno, kvalitetno i na vrijeme, prema tehničko-tehnološkim i aktuelnim standardima iz ove oblasti i prema Operativnom planu pružanja DDD usluga;
- Obezbjediti potreban propisani materijal i opremu te njihov transport do objekta gdje će se usluge izvoditi;
- Obezbjediti kvalifikovano osoblje za obavljanje navedenih usluga;
- Nakon reklamacije Naručioca o svom trošku neodložno otkloniti eventualne nedostatke;
- Neodložno reagirati na svaki poseban zahtjev Naručioca, a cijenu tih radova obračunati po dogovoru sa Naručiocem;
- Nakon izvršenih usluga ispostaviti fakturu sa radnim nalogom o izvršenim uslugama a koji potpisuju i ovjeravaju ovlašteni predstavnici Naručioca i Izvršioca.

IV TRAJANJE UGOVORA

Član 6.

Ovaj Ugovor se zaključuje na period od 01.04.2020. godine – 01.04.2021. godine , sa mogućnošću automatskog produženja ugovora, ali ne duže od 3 godine.

VI RASKID UGOVORA

Član 7.

Ugovor se može raskinuti bez obrazloženja ili od strane Naručioca ili od strane Izvršioca jednostranom izjavom o raskidu koju jedna ugovorna strana uručuje drugoj, u pisanoj formi.

Podnesak se dostavlja preporučenom poštom sa povratnicom na adresu koja je navedena u ovom Ugovoru kao adresa Izvršioca i Naručioca.

Ugovor će se smatrati raskinutim protekom otkaznog roka od 30 (trideset) dana od dana prijema izjave o raskidu uručene jednoj ugovornoj strani od strane druge ugovorne strane na način i prema uslovima iz prethodnog stava.

UGOVOR

Za vrijeme trajanja otkaznog roka, obje ugovorne strane su obavezne izmiriti sve svoje tekuće obaveze iz osnova ovog Ugovora, zaključno sa istekom posljednjeg dana otkaznog roka.

VII OSTALE ODREDBE

Član 8.

Sve eventualne primjedbe na izvršene Usluge iz člana 2. ovog Ugovora, Naručilac će Izvršiocu saopštiti odmah, a najkasnije u roku od 10 (deset) dana od dana izvršenja Usluga.

U slučaju nastupanja okolnosti iz predhodnog stava, Izvršilac se obavezuje da uočene nedostatke otkloni i to u roku od 3 dana od dana saopštenja Naručioca.

VIII ZAVRŠNE ODREDBE

Član 9.

Ugovorene strane saglasno utvrđuju da će bilo koja obavjest jedne ugovorne strane u vezi ovog Ugovora biti uručena drugoj ugovornoj strani u pismenom obliku, na poštansku adresu, mail adresu ili putem faxesa, a koji su navedeni u Ugovoru, smatrati uredno izvršenom dostavom. Kontakti su slijedeći:

Adresa i kontakt Izvršioca:

Kristal d.o.o Sarajevo, ulica Džemala Bijedića broj 135, Sarajevo

Kontakt osoba: Irmela Kevrić, tel: 033 611 385, mob: 062 522 015, fax: 033 657 795;

e-mail: DDDsluzba@kristal-bih.ba

Adresa i kontakt Naručioca:

Direkcija za robne rezerve Kantona Sarajevo, ulica Alipašina b.b., Sarajevo

Kontakt osoba: Jesenković Emir, tel. i fax. 033 696 502, e-mail: info@dr.ks.gov.ba

Član 10.

Ovaj Ugovor stupa na snagu danom potpisivanja od strane Naručioca i Izvršioca, a isti će se početi primjenjivati u skladu sa Operativnim planom.

Član 11.

Na sve što nije izričito uređeno ovim Ugovorom, primjenjivat će se odgovarajuće odredbe Zakona o obligacionim odnosima („Službene novine FBiH“, br. 29/03 i 42/11).

Član 12.

Sve eventualne sporove koji bi mogli proizaći iz osnova ovog Ugovora, ugovorne strane će nastojati riješiti mirnim putem. U slučaju da ugovorne strane u tome ne uspiju nadležan je Općinski sud u Sarajevu.

UGOVOR

Član 13.

Ovaj Ugovor je sačinjen u dva istovjetna primjerka, od kojih jedan primjerak zadržava Izvršilac, a jedan primjerak zadržava Naručilac.

Naručilac

Izvršilac

**DIREKCIJA ZA ROBNE REZERVE
KANTONA SARAJEVO**

“KRISTAL” d.o.o. Sarajevo

Zastupana po:

Zastupan po:

Jelena Pekić mag.oec., Direktorica

Vedad Teskeredžić, Direktor

Broj: 02-25-140-15/20

Sarajevo, 06.04.2020. godine

Broj: 50/20

Sarajevo, 07.04.2020